

四書經注集証

第一函
八冊

四書經註集證

孟子集註序說

闕里志孟子名軻字子與一字子車陳士元孟子雜記按孔
叢子聖證記等書子車一作子與一作子與一子子居而楊
三僚荀子註又作子輿蓋車居音同與與字譌也廣韻同字
註云孟子居貧軻故為鄒人父激字公宜母仇氏未生時
慶父之後世居于鄒故為鄒人父激字公宜母仇氏未生時
母夢神人乘雲霧攀龍鳳自泰山來將止於嶧母疑神久之
忽片雲墜而寤間巷皆見五色雲覆孟氏居時周安王十七
年而孟子生焉云周安王之十七年四月二日孟子生列
女傳孟子生三歲喪父母有賢德挾其子以居始舍近墓孟
子嬉戲為墓間事踊躍築埋孟母曰此非所以居子也乃去
舍市嬉戲為買街事母曰又非所以居子也遂徙學宮之旁
乃設俎豆揖讓進退母曰此真可以居子矣遂居之韓詩外
傳東家殺豚孟子問其母曰殺豚何為母曰欲啖汝既而悔
曰吾懷妊是子席不正不坐割不正不食胎教之也今適有
知而欺之是教之不信也乃買東家豚肉以食之明不欺也
列女傳稍長就學而歸母方績問曰學何所至矣對曰自若
也母以刀斷織懼問其故母曰子之廢學若我斷斯織矣
夫君子學以立名問以廣知是以居則安寧動則遠害今而

廢之是不免於厮役而無以離於禍患也何以異於織績而
勤學不食孔叢子孟子尚幼請見子思子思見之甚說其志
命子上侍坐禮敬甚崇子上請曰白聞士無介不見女無媒
不嫁孟子孺子無介而見大人說而敬之敢問子思曰然吾昔
從夫子於鄉遇程子於途傾蓋而語終日而別命子路將束
帛贈焉以其道同於君子也今孟子車孺子也言稱堯舜性
樂仁義世所希有事之猶可況加敬乎非爾所及也詩外
傳孟子妻獨居踞孟子入戶視之自其母曰婦無禮請去之
母曰何也曰踞其母曰何知之孟子曰我視見之母曰乃汝
無禮也非婦無禮禮不云乎將上堂聲必揚將入戶視必下
不掩人不備也今汝往燕私之地入戶不有聲令人蹀而視
之是汝之無禮非婦無禮也于是孟子自責不敢去婦列女
傳孟子處齊有憂色擁楹而歎母問之對曰軻聞君子稱身
而居位不為苟得而受賞不貪榮祿今道不用於齊願行而
母老是以憂也母曰婦人無專制之義有三從之道故少年
從父母出嫁從夫夫死從子禮也今子成人也而找老矣子
行乎子義我行乎我禮子何憂乎按史記及通鑑孟子復
去齊適梁梁惠王不果所言乃退老於鄉與公孫丑萬章之
徒序詩書述仲尼之意作孟子七篇以詔來世生子名仲子
以周赧王二十六年卒於鄉葬四基山年九十七歲又按關
里志孟子生於周安王之十七年時魯繆公二十四年或云

安王十七年四月二日生至赧王二十六年正月十五日至
年九十七與上年歲合若闕里文獻通考謂孟子止八十四
歲李隱又謂孟子生於
周定王三十七年俱誤

史記列傳曰孟軻

趙氏曰

後漢書列傳趙岐字邠卿京兆長陵人也初名嘉生於御
史臺因字臺卿後避難故自改名字示不忘本土也少明
經有材藝娶扶風馬融兄女年九十餘建安六年
卒岐多所述作著孟子章句三輔決錄傳於時

孟子魯公族孟孫之後漢書注云字子車一說字子輿

史游急就篇孟伯徐師古注魯桓公
子慶父之後號孟孫氏其後稱孟氏

騶人也

騶亦作鄒本邾國也

列國興廢說邾曹姓子爵出自陸終第五子晏安之後武
王克商封其苗裔曹挾於邾爲附庸今魯國鄒縣是也魯

隱公元年邾儀父克會盟于蔑北杏之會附從齊桓進晉
為子克後九世桓公革之二十九年西狩獲麟邾近魯五

小後為
楚所并

受業子思之門人

子思孔子之孫名伋索隱云王邵以人為衍字而趙氏註及

孔叢子等書亦皆云孟子親受業於子思未知是否

索隱詳見論語序說按隋書列傳王邵字君懋太原晉陽人少沉嘿好讀書弱冠仕齊為太子舍人待詔文林館時祖孝徵魏收陽休之等嘗論古事有所遺忘呼邵問之邵具論所出取書驗之一無舛誤齊滅入周隋高祖受禪授著作郎數上表言符命又撰皇隋靈威誌以此求婚場帝嗣位遷秘書少監數載卒官邵在晉作將二十年專典國史初撰齊誌文詞鄙野大為有識所嗤然其采摭經史繆誤為讀書記三十卷時人服其精博又孔叢子漢孔鮒所撰鮒字子魚一名甲魏相子順之子泰并六國召鮒為魯國文通君拜少傅始皇三十四年丞相李斯議令燔書鮒懼遺典滅亡與其弟子襄歸藏書壁中隱居嵩山之陽無何陳涉起為楚王聘鮒為博士鮒以目疾辭退而著是

書乃蒐輯仲尼而下子思伋子上白子高穿子順慎之言
行列爲六卷至漢孝武朝太常孔臧又以所著賦與書謂
之連叢上下篇合爲一卷附焉其二十有三篇曰孔叢子
蓋言有善而叢聚之也又焦竑筆乘云孔子二十生伯魚
伯魚先孔子五年卒孔子卒在敬王四十一年子思實爲
喪主四方來觀禮焉則既長矣孟子以顯王二十三年至
魏赧王元年末齊其書論儀秦當是五年後事距孔子之
卒百七十餘年孟子卽已耆艾何得及于思之門相爲授
受乎哉孔叢子之書不足深信愚按孟子書稱引子思不
一而足俱非同時事亦不尊之爲夫子況孟子自言子私
淑諸人亦未指是子思皆可爲非親受業之證然則史記
明云受業子思之門人人字並非衍文當是從子思之門
人而受業也姑參
此說以備一解

道既通

趙氏曰孟子通五經尤長於詩書程子曰孟子曰可以仕則
仕可以止則止可以久則久可以速則速孔子聖之時者也
故知易者莫如孟子又曰王者之迹熄而詩亡詩亡然後春

四書集注卷之三
秋作又曰春秋無義戰又曰春秋天子之事故知春秋者莫如孟子尹氏曰以此而言則趙氏謂孟子長於詩書而已豈知孟子者哉

游事齊宣王宣王不能用適梁梁惠王不果所言則見以爲迂遠而濶於事情

按史記梁惠王之三十五年乙酉孟子始至梁其後二十三年當齊湣王之十年丁未齊人伐燕而孟子在齊

按史記六國表魏惠王三十五年孟子來王問利國對曰君不可言利是歲卽齊宣王之七年也後二年魏襄王立後十六年襄王卒子魏哀王立哀王三年當齊湣王之八年是歲燕王噲讓國子之哀王五年當齊湣王之十年是歲燕噲及子之皆死合計惠王末二年襄王十六年哀王五年共歷二十三年也又史記燕世家噲讓國子之三年國大亂諸將謂齊湣王曰因而赴之破燕必矣孟軻謂齊王曰今伐燕此文武之時不可失也據此知伐燕時孟子

也 在齊

故古史謂孟子先事齊宣王後乃見梁惠王襄王齊湣王

按古史疑卽指史記荀子等書也故下夫云與史記荀子等書皆不合先事齊宣王後事梁惠襄齊湣卽本孟子列傳游事齊宣王宣王不能用適梁及燕昔家孟軻勸齊湣伐燕之文而云然耳史記田世家宣王卒子湣王地立三年封田嬰于薛四年迎歸于秦七年與宋攻魏敗之觀澤十二年攻魏楚圍雍氏二十二年與秦擊敗楚於重丘二十四年秦使涇陽君質於齊二十五年歸涇陽君於秦二十六年與韓魏共攻秦至函谷軍焉三十六年王爲東帝秦昭王爲西帝蘇代自燕入齊見於章華東門齊王曰嘻善子來秦使魏冉致帝子以爲何如對曰願王受之而勿備稱也秦稱之天下安之王乃稱之無後也秦稱之天下惡之王因勿稱以收天下此大資也于是齊去帝復爲王秦亦去帝位三十八年伐宋宋王出亡死於溫齊南割楚之淮北西侵三晉欲以并周室爲天子泗上諸侯鄒魯之君皆稱臣諸侯恐懼三十九年秦來伐拔我列城九十四年燕秦楚三晉合謀各出銳師以伐敗我濟西王解而却燕將樂毅遂入臨淄盡取齊之寶藏器湣王出亡之衛衛君避宮舍之稱臣而共具湣王不遜衛人侵之湣王去走鄒

魯有驕色鄒魯君勿納遂走莒楚使淖齒將兵救齊因相齊湣王淖齒遂殺湣王而與燕共分齊之侵地鹵器

獨孟子以伐燕為宣王時事與史記荀子等書皆不合

史記列傳荀卿趙人年五十始來游學於齊至襄王時荀卿最為老師齊向修列大夫之缺而荀卿三為祭酒焉齊人或讒荀卿廢因家蘭陵李斯常為弟子以為蘭陵令春申君死而荀卿廢因家蘭陵李斯常為弟子已而相秦荀卿嫉濁世之政亡國亂君相屬不遂大道而營於巫祝信機祥鄙儒小拘如莊周等又猾稽亂俗于是推儒墨道德之行事序列著數萬言而卒因葬蘭陵按今世所傳荀子書二十卷共三十二篇始勸學終堯問內無載孟子游齊梁及齊人伐燕事者集註謂與荀子書不合豈朱子當年所見全本已為後人刪改耶今不可考證姑闕其疑

而通鑑以伐燕之歲為宣王十九年則是孟子先游梁而後至齊見宣王矣然考異亦無他據又未知孰是也

按通鑑宋司馬光所作法春秋編年之體紀事接於春秋始於周威烈王二十三年初命三晉為諸侯蓋恤王制之墮為萬世戒也終於五代後周恭帝即位之年凡載一千三百之事說者曰年之不接春秋者遞續經之嫌也事

范氏曰戰國之時民窮財盡人君獨以南面之樂自奉其身孟子切於救民故因齊王之好樂開導其善心深勸其與民同樂而謂今樂猶古樂其實今樂古樂何可同也但與民同樂之意則無古今之異耳若必欲以禮樂治天下當如孔子之言必用韶舞必放鄭聲蓋孔子之言為邦之正道孟子之言救時之急務所以不同楊氏曰樂以和為主使人聞鐘鼓管絃之聲而疾首蹙頰則雖奏以咸英韶濩

詳見上

無補於治也故孟子告齊王

以此姑正其本而已

齊宣王問曰文王之囿方七十里有諸孟子對曰於傳有之

囿音又傳

直戀反

囿者蕃育鳥獸之所

說文養獸曰囿

古者四時之田皆於農隙以講武

家載噲初立有齊宣復用蘇代之文是噲與宣王同時與孟子合通鑑從孟子不從史記是矣但繫伐燕事於宣王十九年此時孟子去齊已久安得見其取之與復時也六國表燕王噲五年乙巳讓國于子之當湣王八年七年丁未噲及子之死當湣王十年後二年己酉燕立太子平是為昭王當湣王十二年若移此五年事置于宣王八年丙戌後丁酉前以合孟子遊齊之歲月則國策載儲子謂宣王宜什燕而儲子正為相者也王令章子將五都兵伐燕而章子正與孟子遊者也三十日而舉燕國即五旬而舉之謂種種皆合以上三說俱可存參又按通鑑考異三十卷司馬

光撰

當是之時秦用商鞅楚魏用吳起齊用孫子田忌天下方務於合從通衡以攻伐為賢

史記列傳商君者衛之諸庶孽公子也名鞅姓公孫氏其祖本姬姓也鞅少好刑名之學事魏相公叔痤病魏惠王親往問病曰公叔病有如不可諱將奈社稷何公叔痤曰痤之中庶子公孫鞅年雖少有奇才願王舉國而聽之王即不聽用鞅必殺之無令出境王許諾而去公叔痤召鞅謝曰今者王問可以為相者我言若至還不許伐我方先君後臣因謂

王卽勿用鞅當殺之王許我汝可疾去矣且見禽鞅曰彼王
不能用君之言任臣又安能用君之言殺臣乎卒不去惠王
亦不聽公叔言公叔旣死公孫鞅聞秦孝公下令國中求賢
者將修繆公之業東復侵地乃遂西入秦因季公寵臣景監
以求見孝公旣見衛鞅語數日不厭景監曰子何以中吾君
吾君之歡甚也鞅曰吾說君以帝王之道比三代而君曰久
遠吾不能待故吾以彊國之術說君君大悅之耳然亦難以
此德於殷周矣孝公以衛鞅爲左庶長卒定變法之令令民
爲什伍而相收司連坐不告姦者腰斬告姦者與斬敵首同
賞匿姦者與降敵同罰民有二男以上不分異者倍其賦有
軍功者各以率受上爵爲私鬪者各以輕重被刑大小僇力
本業耕織致粟帛多者復其身事末利及怠而貧者舉以爲
收孥宗室非有軍功論不得爲屬籍明尊卑爵秩等級各以
差次名田宅臣妾衣服以家次有功者顯榮無功者雖富無
所芬華令旣具未布恐民之不信已乃立三丈之木於國都
市南門募民有能徙置北門者予五十金有一人徙之輒予
五十金以明不欺卒下令行於民期年秦民之國都言初
令之不便者以千數于是太子犯法衛鞅曰法之不行自上
犯之將法太子太子君嗣也不可施刑刑其傅公子虔黥其
師公孫賈明日秦人皆趨令行之十年秦民大悅道不拾遺
山無盜賊家給人足民勇於公戰怯於私鬪鄉邑大治秦民
初言令不便者有來言令便者衛鞅曰此皆亂化之民也盡

遷之於邊城其後民莫敢議令于是以鞅爲大良造將兵圍
魏安邑降之居三年築冀闕宮庭於咸陽秦自雍徙都之而
令民父子兄弟同室內息者爲禁而集小都鄉邑聚爲縣置
令丞凡三十一縣爲田開阡陌封疆而賦稅平平斗桶權衡
丈尺居五年秦人富強天子致胙於孝公諸侯畢賀衛鞅說
孝公伐魏破之還秦封之於商十五邑號爲商君商君相秦
十年宗室貴戚多怨望者孝公卒太子立公子虔之徒告商
君欲反發吏捕商君商君亡至關下欲舍客舍客舍人不知其
是商君也曰商君之法舍人無驗者坐之商君喟然嘆曰嗟
乎爲法之弊一至此哉去之魏魏人弗受納之秦商君既復
入秦走商邑與其徒屬發邑兵北出擊鄭秦發兵攻商君殺
之於鄭圃池秦惠王車裂商君以徇曰莫如商鞅反者遂滅
商君之家吳起孫子並詳下孟按戰國策史記孟嘗君列
傳及田世家田忌疑卽齊之公族也威王時爲齊將與鄒忌
不善公孫閱謂鄒忌曰公何不爲王謀伐魏田忌必將勝則
是君之謀中也戰不勝非前死則後北而命在公矣鄒忌以
爲然乃說王而使田忌伐魏田忌三戰三勝鄒忌以告公孫
閱公孫閱乃使人操十金卜於市曰我田忌之人也吾三戰
三勝聲威天下欲爲大事亦吉否卜者出因令人捕爲之卜
者驗其辭於王前田忌聞之因遽率其徒襲齊邊邑不勝而
奔會威王卒宣王立知鄒忌賣田忌乃復召田忌以爲將宣
王二年田忌與孫臏出嬰俱伐魏敗之馬陵虜魏太子申而

殺魏將龐涓孫子謂田忌曰將軍可以為大事乎田忌曰奈
何孫子曰將軍無解兵而入齊使彼罷敝於先弱守於主
名主者循軼之途也轄擊摩車而相過使彼則敝於先弱守
於主必一而當十十而當百百而當千然後有太山左濟右
天唐軍重踵高宛使輕車銳騎衝雍門若是則齊君可正而
鄉忌可走不然則將軍不得入齊矣田忌不聽果不入齊亡
之楚楚封之江南通鑑綱目周顯王三十八年燕趙韓魏齊
楚合從以擯秦以蘇秦為從約長并相六國三十七年秦以
儀說楚韓齊趙燕連衡以事秦秦君卒諸侯復合從漢書藝
文志從橫家者流蓋出於行人之官孔子曰誦詩三百使於
四方不能顛對雖多亦奚以為又曰使乎使乎言其當權事
制宜受命而不受辭此其所長也及邪人為之則上詐讓而
棄其信按合從者合六國以拒秦連衡者連六國以事秦
也或云關東地長為從六國居之關西地廣為
橫秦獨居之以六攻一為從以一離六為橫

而孟軻乃述唐虞三代之德是以所如者不合退而與萬章之

徒萬章詳

序詩書述仲尼之意作孟子七篇

漢書藝文志孟子十一篇賈同責荀篇孟子十四篇者孟軻
之述也按孟子七篇并外書四篇為十一賈同所云十四

則以趙注各分
七篇爲上下耳

趙氏曰凡二百六十一章三萬四千六百八十五字

四書考孟子七篇凡三萬四千六百八十五字秦焚書以其書號諸子篇籍得不泯絕至宋始升爲經又有外書四篇曰性善曰辯文曰說孝經曰爲正趙岐謂其文不宏深不與內篇相似疑爲後人所托然性善之篇王充亦引言之而荀子性惡篇多舉孟子語意皆外篇書也惜今不傳

韓子曰孟軻之書非軻自著軻旣沒其徒萬章公孫丑相與

記軻所言焉耳愚按二說不同史記近是

新唐書韓愈字退之南陽人生三歲而孤隨伯兄會貶官嶺表會卒嫂鄭鞠之愈自知讀書日記數千百言比長盡能通六經百家學擢進士第調四門博士遷監察御史上疏極論宮市德宗怒貶陽山令有愛在民元和初權知國子博士愈以才高數黜乃作進學解以自喻執政覽之異其才改比部郎中史館修撰轉考功知制誥進中書舍人後遷刑部侍郎憲宗遣使往鳳翔迎佛骨人禁中論上裁極諫帝大怒乃貶潮州刺史旣至潮問民病苦

有鯉魚食民畜產且盡民以是窮數口愈親往視令其屬吏秦濟以一羊一豕投溪水祝之是夕暴風震電起溪中數日水盡涸西徙六十里自是潮無鯉魚患召拜國子祭酒轉吏部侍郎鎮州亂殺田宏正而立王廷湊詔愈宣撫歸轉吏部侍郎長慶四年卒年五十七已禮部尚書諡曰文愈性明銳不詭隨與人交終始不少變成就後進士往往知名經愈指授皆稱韓門弟子凡內外親若交友無後者爲嫁遣孤女而卹其家嫂鄭喪爲服葬以報每言文章自漢司馬相如太史公劉向揚雄後作者不世出故愈深探本元卓然樹立成一家言其原道原性師說等數十篇皆奧衍闊深與孟軻揚雄相表裏而佐佑六經云又按或問序說謂史記近是而滕文公首章云門人不能盡記其詞又洪水註云記者之誤如何朱子曰前說是後兩處失之

韓子曰堯以是傳之舜舜以是傳之禹禹以是傳之湯湯以是傳之文武周公文文武周公傳之孔子孔子傳之孟軻軻之死不得其傳焉荀與揚也擇焉而不精語焉而不詳

語見韓子原道篇

程子曰韓子此語非是蹈襲前人又非鑿空撰得出必有所

見若無所見不知言所傳者何事

荀子名況即荀卿見王漢書揚雄字子雲蜀郡成都人也雄少而好學不爲章句訓詁通而已博覽無所不見爲人簡易佚蕩口吃不能劇談默而好深湛之思清靜無爲少嗜慾不汲汲於富貴不戚戚於貧賤不修廉隅以微名當世家產不過十金無擔石之儲晏如也自有大度非聖哲之書不好也顧當好詞賦先是蜀有司馬相如作賦甚宏麗溫雅雄心壯之每作賦嘗擬之以爲式又怪屈原文過相如至不容作離騷自投江而死以爲君子得時則大行不得時則龍蛇遇不遇命也何必湛身哉乃作反離騷又作廣騷又作畔牢愁孝成帝時客有薦雄文似相如者上方郊祀甘泉泰畤汾陰后土以求繼嗣召雄待詔承明之庭正月從上甘泉還奏甘泉賦以風其三月祭后土還上河東賦以勸其十二月羽獵雄從因作校獵賦以諷明年上命右扶風發民入南山大誇胡久以多禽獸是時農民不得收斂雄從至射熊館還上長楊賦聊因筆墨成文章故藉翰林爲主人子墨爲客卿以風哀帝時丁傅董賢用事諸附離之者或起家至二千石時雄方草太元有以自守泊如也或嘲雄以元尚白而雄辨之旣曰解嘲客有難元太深觀人之不好也雄解之號曰解難雄見諸子各以其意外馳大抵詆訾聖人及太史公記六國歷楚漢訖